

浙江圖書館



浙江圖書館

西河先生曼殊留視圖冊

浙江圖書館



浙江圖書館

浙江圖書館

浙江圖書館

曼殊留視圖冊目

題詞

留影

詩

詞

墓誌銘

附金絨兒  
從葬銘

別傳

雜紀

跋

浙江圖書館



浙江圖書館

曼殊留視圖冊題咏諸人目

張圃翁

名英字敦復江南桐城人康熙丁未進士官至大學士謚文端晚號圃翁

方象瑛

字渭仁浙江遂安人康熙丁未進士官至名試博學鴻詞官翰林院編修

任辰旦

字千之號待庵浙江蕭山人康熙丁未進士官大理丞給事中

曹木

字頌嘉江南陰人康熙甲辰進士己未召試博學鴻詞官國子祭酒

張鴻烈

字淮南江南陽人康熙己未召試博學鴻詞官翰林院檢討

馮勗

字方寅江南長洲人康熙己未召試博學鴻詞官檢討

李澄中

字渭清山東諸城人康熙己未召試博學鴻詞官至侍讀

田需

字子益山東德州人康熙己未進士官編修

張廷瓚

字西臣安徽桐城人康熙己未進士官翰林院侍讀學士

趙執信 字仲符 山東益都人 康熙己未進士官左春坊左贊善

張睿 字涵白 江南山陽人 康熙己未進士官中書

陸弘定 字紫度 弗輪山海鹽人 詩與兄嘉淑齊名

姜啟 字青鳥 一字開心 會稽人 官州丞

鄭勳 山陰人 時官驃騎

王三傑 山陰人 時官光祿

張闇然 長洲人 文學

梁清標 字玉立 直隸正定人 崇正甲戌進士官國朝官至戶部尚書

朱彝尊 字錫鬯 浙江秀水人 康熙己未以布衣名 試博學鴻詞 官翰林院檢討

蔡升元 浙江德清人 康熙壬戌進士 第一 官至禮部尚書

王源字崑繩號或庵大興人康熙癸酉舉人

浙江圖書館

浙江圖書館

陸氏



浙江圖書館

陸氏  
藏書

陸氏  
藏書

叔優

屬

勝

浙江趙魏  
圖書

浙江圖書館



壹隱居藏本



浙江圖書館



曼殊留視圖冊

贈詩

剩有如花筆未枯  
神鍼自繡夜來圖  
平生自是饒悽

楚老淚當風哭曼殊

典衣沽酒不知貧  
一盞梨花相對春  
贏得比紅詩百

首曼殊原自解隨人

聞道豐臺住小姑  
百環新髻世應無  
又添一段遊人

話芍藥開時說曼殊

湘湖東去恨難勝  
誰和清歌伴採菱  
一片香魂空載

得滿江風雨過西陵



張英

方象瑛

燕姬生小象香中芍藥芙蓉渠相映紅二十四方音才歷

盡可憐顯頽落花風

姬死年二十四

自製新妝弄百環春風搖漾畫圖間  
無端夢逐空王去淒絕豐臺舊日山

夫子江東早擅名學詩學字俱聰明  
從今莫度西河曲淚盡金樽第幾聲

話總傷心不可聽幾回誓死泪荧  
歸魂此去山陰道寒食梨花泣小青

任辰旦

烏絲喜繪百螺鬟斜壓金翹弄玉環一自天桃新詠

罷奄然不復念閨

曼殊愛誦毛詩其自為詩有春到園林草尽芽天桃何事不開

花之句

垂簾無力倚蘭干怕見庭花易早殘偏怪靈衣將欲

歛海棠猶作睡時看

聞歛時撫媚若生

羅幃密餌謾招魂坏土尖頭插素幡

時大可將曼殊暫措直携觀而

婦夫婿善歌新樂府而今誰和祝家園

大可常唱真定夫子祝家

園詞曼殊和之甚善

浙

終到花朝病即纏隨郎婦去訂生前可憐初嫁鴛鴦

枕一路長眠聽杜鵑

曹禾

芍藥初開驟委泥  
豐臺惟剩草萋萋  
甘心遠葬西施  
里苦戀貧官與忌妻

館

仿佛風流笛視圖清齋  
耽看賦三都誰人真解憐才  
子風雨孤燈哭曼殊

張鴻烈

可記淮陰八月秋詞人  
高會曲江樓誰知玉署承恩

日燕婉輸君得莫愁  
樓在予東溪別墅甲辰年  
間事也大老時客淮

錯把陶姬喚作桃  
白榆紅粉與便豪  
自從覓得豐臺

伴始信人間有雪濤

曲江樓大會南北名流有妓侑  
觴陶其姓大老愛之贈詩曰燭

下憐紅粉霜前墮  
白榆官街戍鼓靜  
愁殺夜啼烏  
大老又誤以陶為桃  
同人作詩朝之  
予為作解嘲詩十

首二

瞥見仙姝漫七年  
每聞素腕寫鴛箋  
如何忽入烟中

去歸向仇他池小有天  
曲江樓宴集大老賦明河篇  
中有句云不識初從何處來

翻身跳入烟中去謂  
陶妓也今用其語

圖

曼娘花朵絨兒蓋  
同向毛郎掌裏栽  
石欄海枯情不死  
他年並蒂約重來

馮 勗

一枝小艷隱豐臺  
相國移來太史栽  
珍重濃華易銷歇  
亂烟零露泣青苔

沒黃裙子怯羅裳斜髻新梳百宝粧  
終日向窗弄柔翰粉痕嬌殺墨痕香

細拋紅豆譜相思慧絕人間  
總不如一自梁塵驚忍散豈堪重唱祝家詞

夢殘仙母怒頻牽桃梗雕鏤換阿錢  
無奈綵鸞催更急金樽擘斷後悽絃

懨懨病寄墳園心底眉尖未肯言  
但乞楊枝浣情劫那知情劫誤今番

丰骨空傳笛視圖看殘老眼淚模糊  
一回低喚一回痛不信圖間有曼殊

天上飛瓊返舊宮  
青衣種子有金絨  
最憐七日終啼  
血鏡裡巫雲兩度空

好姑生小住燕京  
此日歸魂向越城  
去路三千輕獨  
往青山笛影待癡情

李澄中

久因臥病識幽貞  
死葬蕭然倍有情  
自昔佳人多薄  
命湏知才子悅傾城  
愁香看解語花先落  
恨說還魂草不生  
試理瑤琴彈別鶴  
小絃應作斷腸聲

田需

結得三生花裡緣  
生來長住在花前  
画眉次第吟紅

葯恰似楊枝嫁樂天

百縮雲鬟巧樣成  
沒黃裙子稱身輕  
清歌按板偏能  
會不教紅記豆名

梨汁一杯奠  
画圖此中緣  
分有還無  
紅顏不惜為君  
死痛哭朝雲是大蘇

越水吳山路  
幾停扁舟  
歸去雨冥冥  
香魂載向西陵  
道寒食梨花伴小青

張廷瓚

露浥名花濕  
粉痕曾將綃帳護  
香温可憐穠艷銷  
金谷細雨疎烟獨掩門

子夜清歌醉不醒  
笑看宝髻倚雲屏  
菱花掩後香雲散  
腸斷春山一樣青

豐臺春  
盡為花忙連臂平蕪引興長  
一自天香零落後  
萬紅深綠總淒涼

願向吳山伴  
隱論祇今空泛五湖人  
扁舟載得魂歸去  
蘇小墳邊好結隣

趙執信

沒紅香白好容顏  
宝髻堆雲作百環  
喚作佛花元自誤  
如今爭肯住人間

豐臺四月我曾遊  
狼籍花不枝散不收  
一朵天香留

不住殘春風雨為花愁

張 睿

百結雲鬟別樣粧  
曼殊花放下巫陽祇  
今留視園猶在減却生前一段香

多情本是無情種  
偶向人間散作花  
廿四年來空色相  
獨留芳塚委雲沙

張弘定

縹緲春雲綺帳空  
紫簫初返少微宮  
冰姿自昔窺金屋  
知在羣真諦籍中

倦倚藍輿挹翠霞  
後庭編徑曲  
欄斜勸君莫按閨中

跡尽長蓮處：花

曼殊病中每作一軟布  
兜徧行後園至暮不徹

春鴻一翼自陞山得附西風仰玉顏却媿一方非肘

後九還那許到人間

予嘗為下  
為不效

共苦全甘僅六春敦詩習礼世誰論閨箴彤管編難

尽那是間居列屋人



姜 啟

曼陀華散到人間色相端狀菩薩鬘愛嫁王昌頭半

白悲離潘岳鬢全班指閒病裡金樽撥魂別生時紅

葯闌公：西陵伴松栢夜臺猶上望夫山

鬘一作蚤

鄭 勳

風清月冷靜空幃寂寞無人着  
縷衣慢道一朝顏色  
盡千年猶作彩雲飛

捨身乞佛意何悲  
項刺光陰百戔期  
縱使珊瑚僂佩  
遠雙垂紅淚祝家詞

細雨難滋天上花  
春光杳渺白雲賒  
可憐粉黛空  
畝視腸斷當時油碧車

江東才子淚成河  
不見音容奈夢何  
此後月明魂倚  
處西冷渡口越山阿

王三傑

阿錢十八始于歸  
長試新妝對落暉  
一自與君相別

後夜臺獨整嫁時衣

葑臺兩骨欲南行  
夢裡辭親珠泪盈  
不戀故鄉三尺土  
從郎歸去訂平生

泉臺閨寂正堪傷  
忽听驪歌起  
殯房回首金京門  
從此別三千七百落<sup>路</sup>空

丹旌東指越王城  
遙望西陵潮暗生  
此去怕逢寒食候  
深林啼出子規聲

歌殘薤露不勝悲  
記得南園臥病時  
夜起而郎花下坐  
含顰一唱祝家詞

傷心廣輒渡湘湖  
月下歸來環珮孤  
每憶画眉人不

見空山寂：聽啼鳥

張闡然

九天花散是前身薄命塵寰廿四春今日鏡臺人不  
見斷雲疎雨喚真：

百結青絲七宝妝嬌痴只合嫁王昌無端一幅生綃  
画笛和人間視斷腸

曾說南園卧病時金樽犹揆祝家詞新声不向豐臺  
度付與啼鶯恋舊枝

綠尽春蚕未是休歸魂月下珮環笛最憐廣柳車中  
骨一路從行遇越州

詞

沁園春

梁清標

造物何心玉折蘭折摧千秋恨長嘆遺桂如舊安仁  
鬢短佳人難再奉倩神傷妖夢頻驚罡風乍急石上  
三生事渺茫豐臺畔早曼陀花謝錦瑟虛張 詞人  
題滿縹囊把蚕繭烏絲善弄歲憶國名留視曾經索  
句文成悼逝一為沾裳環珮誰招春綠絲未  
盡落葉  
哀蟬搃斷腸  
婦清淨應掃除宿業去禮空王

葉兒樂府二闋

調寄水仙子

朱彝尊

玉堂傳說小名兒檀板能歌絕妙詞銀鈎會寫相思

字記得人扶拜客時勝豐臺一捻花枝留客住  
圖中  
画想夫憐第上絲今日箇長恨題詩

玉簫怎結再生緣錦瑟何由續斷絃  
張星罷向明河  
見对着紙錢兒喚阿錢  
筭湘湖夢筆橋邊紅躑躅  
花  
陰路白楊梅山上田卜箇新阡

月上紗窓烏夜啼二闋

蔡升元

檀心蕙質玉亭三解語識迦陵慈雲一滴楊枝露  
訂  
三生却向天花落處認前身  
珍珠十斛何須羨金  
門  
夢倩豈長貧糟糠拚得今生了  
不曾嗔驀地西風  
一夜彩雲零

玲瓏璧月最無情  
依舊照疎櫺  
画國人去空留視  
喚真：遠憶微吟  
初罷誓雙星  
殘暗剩粉人何處  
曲中紅豆記分明  
烏絲題徧迴文字  
不堪聽誰共悼亡  
潘岳暗消魂

書圖江浙

浙江圖書館

曼殊葬銘

曼殊小妻張姓京師豐臺人十八歸予能食貧人謂  
之糟糠之妾既而大婦至徙居右安門墳園累病不  
可解嘗夢隣廟阿母喚之去牽予衣不忍醒而惡之  
飾枕梗額已送廟間若代已者乃復圖其影于幃而  
自題之名苗視圖觀者哀焉先是曼殊將歸時相國  
馮公子師也為予擇娶之而憐其慧視若己女至是  
公將致婦謂曼殊曰本以毛生無子故娶汝今金三年  
不身而大婦忽南至今自料能安其身耶抑否乎且  
毛生年大家故貧也蕭山去此遠貧不汝鞠家去此

遠則叵測年大棄汝黃鵠口噤則其摧挫有難言者  
汝曷不請去而質之為蓋公愛是人并愛予以為  
予兩人計無過是也曼殊聞其言大驚反戾泣謝執  
不可且曰本謂公教以禮義不謂其出此也獨不聞  
女不嫁二夫耶當斯時有婦辯而坐于傍者笑而曰  
有是哉誰則以妻汝而夸謾若是顧曼殊曰毛先生  
非汝夫也曼殊乃大恚踣呼曰天乎人不以我為  
妻斯已耳乃謂我無夫不如死攫身擲于地公急止  
之曰賢哉嘆而起曼殊歸謂予曰然惟公亦為予  
言之汝但思予豈欲去汝者特為予汝計無出此便

獨需汝自決耳曰吾決之矣君果遣予則予請先死  
君前不然尚憐予而終收之言訖誣雙膝著地曰以  
乞君既而有戚媪居京師者假予言遣之初不信重  
強之以為果然哭痛氣絕一婢持抱之不得死三日  
高郵葛先生力救得活然嗣是氣膺血上壅涎液結  
轆不可下嘗泣曰吾死固分獨不能為君生一兒指  
婢曰俟此子長可當夕吾無憾矣又曰吾病不可耐  
病小間吾當從阿潘居尼寺中雖然君南行時其能  
面一揮手耶君母嫌予他日願以尼從行康熙二十  
四年五月二日病復發卒年二十四初曼殊有二婢

一名金絨兒即予師馮公所遺媵也一名來子兒祿  
王君買贈者後之以乏食賣來子惟金絨兒存至是  
金絨兒年十七曼殊所稱俟此子長者是也前一月  
金絨兒亦病及聞主母死不能起匍匐出伏於床下  
叩頭哭越七日亦死初予將葬曼殊于豐臺張氏之  
阡黃門任君謂予曰生不忍相離而死棄之予曰然  
遂携櫬歸蕭山將附于藏予之地而系以銘曰生  
矢相隨豈既死而竟無不之歸哉歸哉汝在斯

金絨兒從葬銘

金絨兒者曼殊婢也十一從曼殊如花藹之有枝

葉越六年金絨兒病初以月事閔腹下小痛醫者  
誤下之遂中死法曼殊在病中聞之泣曰是婢死  
吾無生矣既而曼殊死金絨兒驚起以手扞地行  
哭七日口血漉漉隨死哀哉因携其櫬偕曼殊同  
歸而葬于其側曰魂乎來乎從之者金絨兒乎

浙江



浙江圖書館

曼殊別傳

曼殊豐臺賣花翁女

陳檢討序云疎籬處青門種樹之翁織籠携來縞袂賣花之

媼汪主事詩云荒村侍婢賣花回補屋牽蘿晚鏡開怪底紅顏如芍藥妾家生小住豐臺汪中允詩

云春到長安芍藥開尋花曾一到豐臺生時母夢隣自從解語歸金谷不是花時客也來

媼以白衣一當也一根寄使賣其前隣奶二廟也後隣

錢氏疑昔者乃錢氏媼因名阿錢阿錢慧甚能效百

鳥音京城販兒推貨車行叫賣啞啞不可辨阿錢遙

聞便知之十歲前村學針線把翦即能刻花種人獸

不購譜候熟習者客有以千錢購番繡幡灯于前村

家阿錢方季繡立應之去既長色白目有曼光十指

類削玉黥髮委地可鑑才攏頭作十種名最上以髮

弗縮作連環百結蟠頂中名百環髻

留視國自序云飾予生平所梳

百環髻

王舍人詩云東風吹羅衣空

顧性貞靜十

二從庙婦路人觀者噴二称好姑則大愠婦不再出

予來京師益都夫子為予謀買妾有以阿錢言者豫

遣二世兄往視不許先是阿錢病西山尼師過其門

咨嗟曰阿錢不年不宜為人妻或曰為小妻即免遂

决計作妾然往請者率驕貴深不自願及二兄世兄

往謂猶是相公家也越数日子親往詢予喜甚且有

謬譽予善文者

李简討曼殊詩云守身堅擇对偃蹇已数夫不惜充下陳但願嫁通儒毛

郎富文史作賦邁三都是夜予夢大士取盞中花手授予次日

插戴北玉方以下定情何用百黃金簾前一見如相識為

插蓮花玳瑁簪其母兄與其母疑予年大又貧且相傳婦妒

欲悔之阿錢不然陳序云原思入仕仍然環堵之家

家郡主性性極於吳國夫人理多貴居王茂弘將

之論而乃情堅及娶檢討陳君就予飲更名曼殊曼

殊者佛花也汪比部詩云昨宵夢乞楊枝露從此更

曾季列頽之平視屏前乍見迺訝天人燭下相窺已

悟靜因親耽禪喜遂旁稽曼殊既端執摯願從季取

夫梵夾摩錫之以曼殊曼殊既端執摯願從季取

書現有悟才把筆即能画字其字每類予見者輒謂

予假為之

任廣黃門傳云簡討善詩文能書曉音律  
曼殊心習執似簡討

此好夫把筆便作逸少字如嘗為予書刺早起呵凍連

作十餘刺心痛遽罷

陳序云于是襍弄簡編間親文  
史画眉樓畔即是書林傳粉房

中便成家塾李新声于絃工詢難字于枕間硬黃紙  
滑窃書夫子之銜縹碧叙粒戲作門生之贊予有

曼珠病詩云黛梳誰書刺銀床想  
挈壺曼陀花一朶看向日边枯予生平好歌至是

酒後歌每歌必請予復之三復則已能矣按肘刊度

節絲黍不得爽尤善歌真定夫子祝家園詞梁司農  
夫子柱

枝香曲開句赏心梁事祝家園裏馮太傅夫子長  
歌云從來繡閣惜娉婷紅牙欲按声樽停聞君雅楹

周郎顧妾若歌時君細聽胡文季李詩云新翻子夜  
而前溪顧曲周郎搃不迷一唱黃鸝嬌欲絕箏声同

徹鳳樓西酒闌携錦瑟清唱祝家園  
榴接浙垣酒闌携錦瑟清唱祝家園  
街虛檻亭第若無

彈者不可已呼盲女街前琵琶聽教曲諦視其擺撼

刮掄遂能彈

朱供奉洞庭秋色詞云想暗通心曲朱絲絃裡盡携書卷玉鏡臺前尤太史

新梯四時曲

云羅敷赴瑟懷家占子夜吳歌近日諧吳別駕詩云綠水春來豔金槽夜自彈市樓盲女

在莫作段師看願得奇疾初書刺心痛謂腕寒也既謂傷肝

翰東風木揚春作而秋正又既謂中憊有痲痺在胃

傍氣積不行歷教裁審候終不得其要領每疾作遍

體若燁使婢按摩之不足以帔作兜負之行又不足

繩筐而坐之東西推挽若鞦韆然任黃門侍云然而有奇疾劇則必

約絲為兜有若花蓋坐其中懸汝空際左旋右轉乃少可時終不可治嘗遍搜方術不治遂立願捨身作

佛弟子不治乃召給者圖之名嘗夢隣庙奶：喚婦

去一日携兒至曰汝本吾家物我拚眼汝当随我行

其兒曰家去罷不去奶奶么喝醒乃刻栴木為偶人

飾之衣被以生平所梳百環髻流涕送廟間云青娥

去言随阿母歸荷花開作面菊黃葉剪為衣泪尽中

途別魂离何处依他時香案下相待莫相違曼殊

自為詩云百計延醫病轉深暫歸阿母案乃復囿其

傍人身此身久已魂离愁莫道舍顰又一人

形名留視圖而題詩焉梁司農夫子詩云百孕雲光

圖展向春風裡好獲豐壘苑第一花任黃門詩云

捨身現在礼蕊雲月月纖晉減半分何事画工还染

色澹紅衣褶藕絲紋沈明府詩云彈窩石畔冷如

冰消得春風數尺綾一自檀雕分影去夜深只坐佛

前燈凡庶常詩云新錢香檀旧夢頻碧稍留供佛

前身由來仙骨原無二不信双毫馬玉人汪春坊詩

云宝篆依微備佛前香臺歌坐鬢髻偏初予婦將至

夢魂縹緲知何處只在蓮花秋水邊

徙居南西門墳園慮不容也益都夫子憐其窮強予

開闢閣而曼殊難之其後有假予意逼遣之者曼殊

死復活曼殊回生記云曼殊以壬戌十一月十一日死

不出不虞卒家色慘悽丞相謂曼殊一無語毛即年

無語官落紅羅襦又云始至相逼迫既乃復柳榆即

意久矣同計事一何愚曼殊大悲摧天乎我何辜即

皇覓良醫強起事跡蘇藥至是病轉劇嘗曰令吾小

可者吾當為尼懺除之既而謂予曰向阿三病時從予

子阿三死京師予藉其園居邀君日來以為幸今君將南行

而予以病殘留尼寺中其能來乎泣曰他日君歸者

吾請以尼隨行君行惟君置之既而病發死時羸甚及斂時面有生色坐而衣骨節緩澤如平時初陳檢討孺人死索予為墓銘而貽予以絹：淺黃色為製裙而喜囑曰假使貽絹有枕暈者當複製一裙越四年無有貽者既斂乃賣金槽裁一裙納柳棺中西河毛竒齡撰

長安多贈曼殊詩曼殊手書之成帙及死或竊之去

則手書誤之也曾記袁編修杜四詩中一云薄飲梨花春微

弄蘭香豈不逢燕趙姿但誇東南秀京師酤酒最下名梨花春予日酤

八文佐以豈此寔錄也又丘季士戒四詩只記二句

湘簾一控春如海萬朵花光入座來餘俱忘之他如王舍人中馮督捕

冒郡丞躋兩世兄俱有詩但覓不可得矣書畢悵然

陳檢討其孺人死其房中人陶三自南至以予與檢

討親厚願一見曼殊曼殊往陶三為不食累日曰南

中無此人也時曼殊作五字四句贈之記末二句云

二更終上月翻恨見來遲陶三乞檢討代為答詩甚佳今亦不可

得矣曼殊死前一日似預知其期者遍憶諸舊事語  
絮：忽語及陶三泣曰陳太史亡後恐其人不能無  
恙在也吾甚思之及死後予遇檢討仲弟于李少宰  
師席上詢之愀然曰陶三故義興王氏家人□□王  
氏以逆案籍沒□名連陶三州縣官捕逮按名点解  
計留之不得今已在旗作官奴矣或曰已入內廷教  
坊如浣衣者此亦可憾事惜不令曼殊早聞之然曼  
殊真有神即瀕死猶暗若知識乃爾奇齡又識

跋

余在秦郵見檢討毛大可先生贈郵醫葛淑承文述  
其側室曼殊得奇疾且死淑承立起之狀甚恚吳之  
及來京謁先生曼殊死甫兩月則示以所為銘傳讀  
而悲焉嗚呼閨門之際難言矣曼殊以賣花翁女負  
殊質既已不克安其身勸且逼以他適者屢：而之  
死靡他卒以身殉而不悔可謂賢乎余嘗謂文章之  
權重于卿相卿相榮辱人在一時文章榮辱人在千  
萬世士願違：重其所輕：其所重迥荒村一女子  
独能知文章足重而生死以從先生則其志識有大

過人者傳載曼殊母夢白花生曼殊而其歸也先生  
亦有大士授花之夢然則曼殊之生而慧而不得  
永其年而卒賴先生之文館以不泯者豈偶然歟北平  
王源

浙江圖書館

乾隆己亥宗爰買得西河殘橋一束內有曼殊  
別傳定本附同時張敦復朱錫鬯諸公題跋蔡  
文孫若見而乞去明年冬杪以贈其宗人養堂  
珍如球璧養堂逝世後東山光祿以厚直得之  
嘉慶乙亥八月携過十萬卷樓開卷憮然距爰  
兩得是本時三十七年是物已四易主矣憶尔  
時尚有徐昭華手書哭曼殊詩二番李曾娥碑  
極有風致為湯稻村刺史取去又西河楊卧續  
張夫人拜新月詩舊藁西河点定尚存做篋中  
他日檢出當并歸東山也晚聞居士王宗爰并

書

浙江圖書館

變光 按康熙十七年戊申

詔開博學鴻儒科西河先生以廩監生膺是選六年己未二月初試  
體仁閣題為璿璣玉衡賦省耕詩五言十二韵高陽李公尉寶坻杜  
公立德益都馮公溥三相國暨掌院學士崑山葉公方玉潤奉閱得  
上上卷二十人上卷三十人先生列上卷授檢討充史館官越七年己  
丑歸年已六十有三矣按曼殊年六帛先生二十四病歿正值先生归  
田三年康熙二十四年乙丑也冊中墓銘別傳雜記蠅頭細書計數千言  
當是先生晚年經意之筆

浙

曼殊留視圖詳載西河集中一時名公鉅卿皆有  
題詠誠佳蹟也嘉慶乙亥吾祖獲是冊於蔡  
養堂家先余生一年余今年二十九矣是冊為  
吾祖所得屈指已三十年夫人于前人手  
澤一杯一卷具有餘思而况鄉先正及諸大老  
手蹟滿幅珠璣為吾祖生平所珍賞者  
耶今鈔錄成帙尚擬乞諸名公題識以事梨  
棗庶使鄉先正之流風遺韻不至泯沒無  
傳而吾祖珍襲拳至意并因之不泯矣  
用誌數語于末時道光癸卯甲辰立秋日識





浙江圖書館

浙江圖書館善本

乙 登記號：017681

一九 年 月 日





浙江圖書館

TIFFEN Color Control Patches


© The Tiffen Company, 2007



Blue Cyan Green Yellow Red Magenta White 3/Color Black

Centimetres



浙江圖書館





Centimetres **TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------